

# FEDERATION CUP SELEKTOR HRVATSKE - GORAN PRPIĆ

## ROĐEN ZA VELIKA DJELA

za sebe ima gomilu uspjeha koji su satkali briljantnu biografiju, koja će vremenom koje dolazi još rasti i biti još bogatija. Veliko ime hrvatskog tenisa, Goran Prpić može se pohvaliti sjajnim rezultatima kako u vrijeme dok je bio igrač, tako i poslije, kada je uplovio u trenerske vode. Jednostavno, gdje god je djelovao, uspjesi su bili zagarantovani. Dva puta je sa Davis cup selekcijom SFRJ igrao polufinale Svjetske grupe, dok je treću godinu bio dio tima koji je izborio novo polufinale, poslije čega je uslijedio raspad zemlje, a Goran je nastavio igrati za Hrvatsku.



Najuspješnija sezona u karijeri profesionalnog igrača, bila je 1991. kada je osvojio čuveni Hopman cup sa Monikom Seleš i kada se spustio do pozicije 16. na ATP listi. Iste godine igrao je i četvrtfinale Australian Open u kom je poražen od legendarnog Ivana Lendl. Na putu do četvrtfinala Goran je pobijedio imenjaka i zemljaka Ivaniševića koji je tada bio postavljen za petog nosioca. Na Olimpijskim igrama u Barseloni 1992. uzeo je bronzu u dubl konkurenciji u paru sa Ivaniševićem. Još jedno četvrtfinale Grand slam takmičenja odigrao je 1993. na Roland Garrosu, a već naredne sezone oprostio se od turnira, poslije čega je na red došao trenerski poziv.

- Prerano sam se rastao od turnira, ali sam morao. Radio sam kao trener sa Ivom Majoli koja je u vrijeme dok smo saradivali osvojila Roland Garros. Zatim sa Mirjanom Lucić sve do raspada njihove porodice, kada su se odvojili od oca i otišli u Ameriku.-počinje priču Prpić.

Na kormilu Davis cup reprezentacije Hrvatske proveo je od 1995. do 1998.

- U loše vrijeme sam vodio mušku reprezentaciju. Predsjednik Saveza tada je bio Rizvanbegović, a Ivanišević je bio u svađi sa njim pa nije igrao. Tako sam ja srozao tu selekciju u treću skupinu. Ljubičić i Krajan su tada bili jako mladi i nisu mogli puno uraditi.

Selektorska klupa Federation cup tima Hrvatske pripala je Prpiću 2000. na kojoj je i sada.

-Kad sam preuzeo najbolji ženski tim Hrvatske on je već bio u Svjetskoj skupini, ali nismo stizali do polufinala. Ove godine uspostavljen je novi sistem takmičenja. Svjetska grupa je podijeljena na dvije, mi smo u drugoj. Prvi meč igramo na Tajlandu i vjerujem da ćemo dobro proći. Mislim da ćemo biti u najjačem sastavu, sve djevojke su rekly da planiraju da igraju za reprezentaciju, pa vidjećemo, jer uvijek se nađu neki zahtjevi koje postave, a koji se ne mogu ispuniti. - objašnjava Prpić. Trenutno Goran radi i trenira pored svog sina Tina, i mladog i veoma perspektivnog igrača iz Hrvatske, Luku Belića koji je igrao uz wild card na glavnom turniru Gemaksovog Challengea u Beogradu.

- Draže mi je raditi sa djevojkama iako je teže i komplikovanije. Uspjeti je lakše sa ženama, nego sa muškarcima kod kojih je tenis snažan i izjednačen, a cilj svakog trenera je da uspije.

Kao i većina nas danas, ni Goran nije odolio čarima kladioničarstva.

- Kladim se često i to na tenis. Mogu reći samo da nisam u minusu-kroz osmjeh je zaključio Prpić.



Cro Box d.o.o. Export-Import  
Bosna i Hercegovina  
71000 SARAJEVO, Franjevačka 6  
Tel: +387 33 44 77 11, 44 77 22  
Fax: +387 33 44 77 00  
e-mail: crobox@ufic.nef.ba  
web: www.crobox.ba